

B
z553p

1-5-32

4.2


Monroe

C148.



B
Z553p

Rare Book & Special
Collections Library



ORATIO

In Anniversario Funere

JOANNIS BAPTISTÆ

S.R.E. CARDINALIS ZENI

H A B I T A

A BENEDICTO PISANI

PATRITIO VENETO

Coram Serenissimo Principe,

Et Sapientissimo Senatu.



VENETIIS, M.DCCXIII.

Apud Antonium Bortoli

SUPERIORUM PERMISSU.

ORATIO

IN ANTIQVARIIS LIBRIS

LIBRARIIS BAPTISTAE

LIBRARIIS CAROLINIS LIBRIS

LIBRARIIS CAROLINIS LIBRIS

LIBRARIIS CAROLINIS LIBRIS

LIBRARIIS CAROLINIS LIBRIS

LIBRARIIS CAROLINIS LIBRIS

LIBRARIIS CAROLINIS LIBRIS



VERITAS LIBRARIIS

LIBRARIIS CAROLINIS LIBRIS

LIBRARIIS CAROLINIS LIBRIS

ORATIO.



Qui, expiatâ solemnî Sacrificio
 Animâ EMINENTISSI-
 MI ZENI, ad inexpertum
 exinde oratorem vultus attol-
 litis, SERENISSIME
 PRINCEPS, SAPIEN-
 TISSIMI PATRES, date veniam humili-
 ter deprecanti, si hodierna ego die silentio
 veneratus encomia, quæ Ecclesiæ PRIN-
 CIPi deberem, ad vestram incredibilem lar-
 gitatem extollendam me converto. Noster
 EMINENTISS. CIVIS PATRIAM SE-
 RENISSIMAM ingentibus quidem donis
 cumulavit: sed vos ita pensatis beneficium,
 ut immensa illud beneficiorum multitudine
 obruatis. Nam & grande admiror Monu-
 mentum in ejus honorem erectum, quod
 temporis injurias supereminens coævum fit
 æternitati: & cum alius quivis princeps etiam
 munificus tam eximia esset retributione con-
 tentus, hos etiam video terminos à libera-
 litate vestra contemni. Insuper enim quo-
 tannis sacram memoriam Justorum cæremo-

A 2 niis

niis instauratis , in quibus vestra benignitas ita cum pietate contendit , ut relinquatur incertum , utra ab alia superetur . Duo quàm splendida munera publicæ gratitudinis ! Quæ cum similibus extra se conferri non possint , digna sunt , quæ secum invicem conferantur . Igitur accipite mentis meæ dubitationem : nimirum utrum efferat magis gloriam **EMINENTISSIMI CARDINALIS** , Monumentumne tantâ pompâ à vestra largitate constructum , an annua Solemnitas Exequiarum ?

Hoc celeberrimo in Templo , qua idem parte ad orientem vergit , surgit Sacellum verendo Nomini erectum supremæ **REGINÆ DEIPARÆ** . Marmora pavementum , & muros induunt ex ultimis Numidiæ plagis devecta : tectum arcu curvatum vivis depingunt figuris ingeniosi lapilli . Medio in spatio ærea innixum basi protenditur æreum feretrum , quo toto ipsum quoque ex ære fustum explicatur corpus **EMINENTISSIMI PRÆSULIS** infulis sacris , Principisque majestate exornatum . Sex circum astant matronæ Corinthiaco in metallo ita spirantes , ut dicas Præficas lugentes summum Virum defunctum . Si quis præclarorum operum ad-
mira-

miratione suspensus interroget , quid stantia
 simulacra ferant mœsto luctu squalentia? Vir-
 tutes referunt , inquam , quæ ut vivum orna-
 runt **EMINENTISSIMUM PRINCI-**
PEM, ita mortuum lamentantur . Adspice :
 Quòd ille toto vitæ curriculo lachrymabilem
 hominum sortem auro suo serenavit ; en pri-
 ma Pietas . Quòd templorum vel extructioni,
 vel nitori incredibiles opes impendit : quid
 verò? Quòd immensos in Patriæ sinum the-
 sauros effudit ; en altera Munificentia . Quòd
PAULI II. Pont. Max. Avunculi sui lateri
 præsertim affixus totius orbis regimen super-
 na mente sustinuit ; en tibi Prudentia . Cæ-
 teras Virtutes examine diligenti percurre ;
 hæ siquidem sunt , quæ à **D.O.M.** nomina
 deducunt sua, **VIRIQUE EMINENTIS-**
SIMI ita corde inhæserunt , ut sub hominis
 specie verus Angelus hæc inter terrena sem-
 per Divina anhelarit . Pretioso Mausoleo ita
 per partes expenso , tanta vestra liberalitate
 constructo , ut oculos impleat stupore , ani-
 mos veneratione , quæro , **P. C.** , potuitne
 majori famæ celebritate honorari **EMINEN-**
TISSIMI ZENI memoria ? Sed nondum
 est librata Monumenti æstimatio . Quid si
 di-

dicam illud excoli hoc in Templo D. Marci , nempe ea in Basilica , quæ rerum mirabilium est epitome ? Nam quidquid ostentare potuit Byzantium , quidquid omnis ferè Palæstina , quidquid Urbes orienti subditæ soli , religione sanctum , pretio conspiciuum , arte magnificum , hîc vel adorationi populorum , vel admirationi exhibetur . His accessere miræ Templi animæ artifices , qui hoc in cœlo , hoc in pavimento , his in parietibus tot miracula excitarunt , quot manuum exercuere opificia . O qui venerabile Sacrarium ingressurus es , hospes , certo gressu subsiste , specta in Templi facie quatuor celebres equos totâ penè Europâ vagatos : his dices trahi posse quadriiugo curru triumphali more magnificentiam . Perge , & in januis aperiri tibi cœlum videbitur in cœlitibus circum undique expressis . Gressum continuo stupore conjunge : at quæ sub pedibus habes , timido tere vestigio , gemmas calcas . Quocunque oculorum aciem circumferas , innumeræ tibi imagines occurrunt , tantâ singulæ excellentiâ eminentes , ut nihil eis desit ad vitam , nisi vox , quæ ipsa quoque auditur , si credas oculis . Nulla enim hîc

tabula, in qua non laborarit summus Apelles : nullum signum, in quo non desudarit mirus Lyfippus. Demum fulvo metallo ita omnia opera ornata sunt, seu onerata, ut mirabilibus in artefactis nihil ducas esse vilius auro. Quin totum Templum attonitis metire luminibus; hoc esse Sanctuarium fateberis dignum DEO, cui sacretur, dignum **PRINCIPE SERENISSIMO**, à quo consecratur. Itaque hos inter sanctitatis thesauros, artiumque triumphos Mausoleum **EMINENTISSIMI CARDINALIS** annumeratur, quid ipsi, quid unquam honorificentius? An addendum fortunata Monumenti mole hoc posita in Templo apertè fieri, ut **EMINENTISSIMUS PRINCEPS** splendorum suos communes habeat cum **SERENISSIMIS PRINCIPIBUS**, quorum Stemmata vastis orbibus pretioso metallo micantia, ipsa quoque monumenta Gentium gloriosissima hac eadem in Basilica veneramur? Indequè nasci, ut **CARDINALIS** amplissimus inter prima Patriæ Lumina recensatur, nimirum inter **CORNELIOS**, inter **CONTARENOS**, inter **VALERIOS**, aliosque multos, qui Regio Cornu fulgentes

tes huic Cœlo Serenissimo miram lucem intulerunt ? Videte , P. C. num majorem gloriam afferre possit EMINENTISSIMO PRINCIPI tam pium , tam splendidum , tam honorificum Monumentum . Sed tollat etiam in sydera Nomen EMINENTISSIMI PRINCIPIS Mausoleum , altiùs adhuc ferunt annuæ ornatissimæ Exequiæ . Omnia circumspiciamus . Hodiernæ celebritati quænam alia existimationis significatio etiam amplissima comparari potest ? Nam fileo sumptuosum pegma regali ornatu compositum , in quo innumeris luminibus accensus , videtur adhuc publica pietas grandem Animam quærere EMINENTISSIMI CARDINALIS . Sileo inter tanta Justorum solennia oratorem in hoc suggestu sudoribus fluentem , ut sacri HEROIS ornet labores . Sileo nobilissimam Civium coronam , *coronam meam* , decus funeris , & gaudium Venetæ felicitatis . *Audite , cœli , quæ loquor* . Sola facit hunc diem super omnem fulgorem Serenissimum præsens AUGUSTA SERENITAS : sola vincit cujusunque memoriæ etiam regalis majestatem astans REGIA MAJESTAS .

UNIVERSITY OF ILLINOIS-URBANA



3 0112 103575285